

剡源鄉志卷十五

奉化趙霈濤 醉仙甫纂

列女傳三

皇朝

同治光緒

陳氏斑溪侑生董家裕妻年三十五夫亡守節二十六  
年同治元年卒年六十當道以節著霜筠獎之  
周氏西壘王宗成妻年二十九夫亡其母欲奪其志周  
曰女幼聞母謂一家女不吃兩家茶有諸母無以應  
守節十八年同治元年卒年四十六光緒二十三年

剡源鄉志

卷十五

列女傳三

一

由總局請旌

孫氏康嶺康運位妻運位素染疾孫調理藥物一息無  
違如是者四年及疾大漸運位以翁姑託孫孫諾之  
歿則喪葬盡禮且使二老有杖履優游之樂者皆孫  
之力也撫猶子如己出宗黨交口稱其節行夫故時  
年二十五守節三十一年同治元年卒年五十四光  
緒二十四年由總局請旌

毛氏三石趙智端妻年二十六夫亡凡汲水灌園之事  
以一身任之守節二十二年同治元年卒年四十七

光緒二十三年由總局請旌

穆氏公塘唐肇儀妻同治壬戌四月十四日郡城敗賊擾鄉穆不及避大罵而死

韓氏亭下單仁材繼妻同治壬戌四月十四日郡城敗賊過境韓不及避見賊罵不絕口遂遇害

張氏剡界嶺許永修妻同治壬戌四月十五日郡城敗賊過境張見賊追之急手拾石擲之賊放鎗洞貫心胸而亡

趙氏六詔孫祖緒妻同治壬戌四月十五日郡城敗賊

剡源鄉志

卷十五

列女傳三

二

過境得趙欲污之趙大罵賊怒碎砑之

曹氏公塘唐緒瑞妻同治壬戌八月二十七日粵賊入剡源曹避在山賊搜至避所譙以同行曹以掌擊賊頰遂遇害

竺氏公塘唐肇崙妻同治壬戌八月二十七日粵賊入剡源得竺竺以口咬賊臂不放賊以刀戳其口而殺之

王氏塔下曹章浩妻年二十三夫亡守節五十二年侍奉堂上供養不衰撫猶子逾所生越五年翁歿服衰

者五年有半或怪之王曰吾代夫服也是年姑歿服之如服翁之喪後竟以縞素終其身同治二年卒年七十四光緒二十三年由總局請旌

單氏沙隄樊忠武妻年十九夫亡單抱尸而哭尸忽起而走狀貌猙獰單毫無懼色以手推之而仆蓋相傳陽氣自足心入尸卽起立能撲人致死亦單之正氣足以敵之也撫孤成立守節六十年同治二年卒年七十八光緒二十四年由總局請旌

陳氏石門武庠毛春木妻年二十四夫亡以守志自誓

### 剡源鄉志

### 卷十五

列女傳三

三

閉戶紡績鄰里罕見其顏色撫猶子成立同治二年卒年八十二邑令曹旌其門光緒二十三年由總局請旌

毛氏黃沙阮丁賢友妻年三十一夫亡暗自飲泣恐姑聞而動其思子悲也至子各成立猶縫紉不輟嘗拾人之遺穗以活人稱之曰可憐太婆守節二十九年同治二年卒年五十九

竺氏沙隄樊守眞妻年三十五夫亡守節四十五年同治二年卒年七十九

葛氏董村侑生竺凌霞妻年二十適竺纚數月頓失所  
天悲不自勝以翁姑年邁曲意承歡撫猶子尙未成  
立堂上相繼謝世日夕哭泣同治三年抑鬱而卒年  
三十一光緒二十三年由總局請旌

董氏晚響嶺施行水妻年三十四夫亡守節三十五年  
同治四年卒年六十八行水弟行順妻江氏年三十  
三夫亡與董氏同心矢志同治十三年卒年七十六  
均光緒二十三年憲旌

康氏六詔孫祖緯妻年二十六夫亡遺腹生子夫兄弟

### 剡源鄉志

### 卷十五

列女傳三

### 四

以其艾諷令改適百計誘之康矢志靡他備嘗艱苦  
守節五十一年同治五年卒年七十六曾孫達成邑  
諸生光緒二十三年由總局請旌

樊氏住嶺胡美閔妻年三十五夫亡守節五十一年同  
治五年卒年八十五學政周公以冰霜比潔獎之  
孫氏石門毛榮道妻年二十七夫亡守節越半載鄰婦  
亦失所天將託媒擇人孫曰焉有夫骨未寒而去者  
乎蝴蝶夢可鑒也後卒爲節婦同治六年卒年七十  
六道光二十八年府憲徐獎曰松筠著節光緒二十

三年由總局請旌

江氏巖頭毛仁波妻年二十一夫亡守節一十二年未嘗跬步出戶庭同治六年卒年三十二光緒二十三年由總局請旌

王氏董村宋曾煌妻年二十五夫亡王適病產未彌月強而後起託言口不欲食將絕粒以殉姑勸之再三始進食平居操作常握左手不令人見蓋進食之時暗中已嚙一左小指也守節三十六年同治六年卒年六十一光緒二十三年由總局請旌

剡源鄉志

卷十五

列女傳三

五

單氏塔下曹章淇妻年二十七夫亡堂上二老悲不自勝單以老老幼幼自任二老乃轉悲爲喜其紡績之勤逾恆婦數倍守節四十三年同治七年卒年六十九光緒二十三年由總局請旌

戴氏石橋頭汪述宰妻年三十二夫亡守節三十五年同治七年卒年六十六光緒二十四年憲旌

任氏西魏康佳耦妻年二十八夫亡守節四十一年先是道光中歲大侵翁積穀百餘石欲昂其價任曰如此奇荒縱不能賑給奈何不平價以糶乎翁感其言

卒平其價人爭誦之同治八年卒年六十八光緒二十四年由總局請旌

張氏康嶺康佳詣妻年二十一夫亡飲泣吞聲奉姑極孝夫兄欲奪其志張以死自誓守節三十八年同治八年卒年五十八光緒二十四年由總局請旌

俞氏董村竺藩欽妻年二十八夫亡守節四十年先是其兄欲奪而嫁之俞曰我去皤皤者與呱呱者俱死矣不如我先死兄乃止後撫孤成立同治八年卒年六十七光緒二十三年由總局請旌

剡源鄉志

卷十五

列女傳三

六

王氏高畧張總甲妻年三十一夫亡守節四十一年同治九年卒年七十一光緒二十四年憲旌

毛氏榆林陳繼饒妻年二十五夫亡不時慟哭聞姑哭卽止勤於紡績日食一粥而奉姑則無日不甘旨撫猶子成立守節四十年同治九年卒年六十四道光中邑令以矢志完貞獎之光緒二十三年由總局請旌

毛氏三石陳嗣殷妻年二十九夫亡與姑同寢處道光十三年冬大稔升米五十文無所得食大雪連日姑

餓二日毛已餓四日冒雪登山采掘草根一舉耜忽見一瓶啓視之白鏹也攜以奉姑稱之得一兩五錢人咸以爲天賜節婦云守節四十年同治九年卒年六十八光緒二十三年由總局請旌

王氏巖頭油茅畧毛榮圻妻年十九于歸不一年榮圻將卒謂王曰汝年少宜自爲計王曰今不可言他日黃泉下相見可也然家赤貧翁又善病王與姑朝夕紡績僅足供二人饘粥王恆一旬九餐卒無怨言翁歿王雇舉櫬者四人己則負土成墳姑歿亦如之撫

## 剡源鄉志

### 卷十五

列女傳三

### 七

猶子成立同治九年卒至半日忽張目語曰我五十七年前之言可以踐矣語畢而目瞑同治末

### 欽旌節孝崇祀節孝祠

徐氏三石趙義強妻年二十一夫邁危疾亡舅姑悲慟不食徐曰夫雖亡媳在猶夫在也毋戚戚焉以婦道代子職鄉里稱其孝撫嗣子如己出道光中疫染一鄉徐家獨無恙見族人卽幼二三輩者亦起立守節歷七十年之久同治九年卒壽至九十歲道光二十年當道題曰冰霜勵節蓋實錄也其孫智忠業儒年

二十六卒孫婦毛氏年三十其事堂上得曾姑之遺  
範教子文繼成邑諸生光緒二十三年均由總局請

旌毛氏現年六十三

以後凡言現年者據  
光緒二十八年言也

陳氏水碓頭儒士夏升洪妻年二十六夫亡夫兄誘其  
改志夜爲鬼祟以怖之陳知其僞心如鐵石守節五  
十五年同治十年卒年八十光緒二十三年由總局  
請旌

夏氏三石陳賢集妻來歸時端莊寡言笑侍奉舅姑十  
年年三十五夫將亡屬之曰吾父讀書垂六十年而

剡源鄉志

卷十五

列女傳三

八

不得一衿齋志以歿汝能爲我教子成名乎夏諾之  
乃命子錦從夫兄賢佐遊雖酷暑嚴寒之夜必以紡  
績助其讀錦稍倦卽曰汝且讀吾伴汝也族中幼二  
三輩者陳皆稱之曰歌其謙如此同治十一年卒年  
八十五咸豐中儒學顧獎曰雪柏霜筠錦附貢生孫  
濟靈郡庠生育姜邑庠生曾孫宗器郡庠生宗華邑  
庠生人以爲節孝之報云

單氏住嶺胡盛淇妻年三十二夫亡以節操自勵性好  
施凡橋梁道路之助資稱量以與無德色亦無倦色

人以爲難守節三十五年儒學梅以松筠節操獎之  
同治十一年卒年六十六光緒二十四年憲旌

單氏塔下曹肇舒妻年二十五夫亡誓不更夫一家三十餘口中饋之事以身先之凡事咨而後行諸娣姒爭效尤焉而家以漸裕守節二十八年終身未嘗御鉛華也同治十一年卒年五十三肇舒弟肇錦妻陳氏年三十夫亡與伯姒單氏後先合德守節二十七年光緒九年卒年五十六光緒二十三年均由總局請旌

剡源鄉志

卷十五

列女傳三

九

張氏下蹕駐侑生宋曾統妻年二十二夫亡翁性嚴姑主內政尤峻肅氏事之皆得其歡心且以婦代子以母兼父使泉下人無遺憾守節六十八年同治十一年卒年八十九道光十四年

欽旌節孝崇祀節孝祠

陳氏楊墅徐亨遠妻幼循禮法事父母以孝聞年二十于歸甫及四載夫染疾陳衣不解帶調理數月夫亡陳含淚忍哀喪葬盡禮且善養邁姑與妯娌終身無詬誶聲撫猶子成立授室後率婦躬勤織紉夜半機

杼之聲不輟守節五十二年同治十二年卒年七十  
五光緒二十三年由總局請旌

孫氏董村侑生竺觀水妻年三十一夫亡守節三十三  
年同治十三年卒年六十三光緒初邑令王以冰霜  
節操獎之

竺氏公塘唐肇宏妻年二十一夫亡守節五十三年撫  
猶子成立白首無二同治十三年卒年七十六光緒  
二十四年由總局請旌

毛氏榆林陳智桓妻年二十六夫亡家赤貧僅得殯殮

### 剡源鄉志

### 卷十五

列女傳三

### 十

氏忍餓負土爲墳數日而成卽矢志不移以紡績養  
其姑撫姪爲子俾之成立守節五十二年同治十三  
年卒年七十七光緒二十三年由總局請旌

張氏柏阮陳宗雅妻年二十歸陳越二歲宗雅卒時有  
憐其青年無嗣勸之別適者張曰婦人之義從一而  
終若再醮雖靦然人面猶禽獸也侃侃剛直自持不  
苟常負耒耨園以守節終

張氏康嶺康才華妻年二十九夫亡卽營生壙於夫側  
以示同穴之意守節四十八年光緒元年卒年七十

六二十四年由總局請旌

張氏董村侑生竺自耐妻年三十夫將亡謂張曰老母幼子惟汝是賴矣張泣諾之不一年其兄欲奪其志有成說矣張大呼其夫臨歿之言以自誓兄謀頓沮張遂終身不至其家光緒元年卒年六十九徐學憲獎曰松筠節操二十三年由總局請旌

張氏石門庠生毛瀛海妻夫赴鄉闈場中染疾歸家月餘捐館時氏年二十六子猶未育翁姑皆在堂與伯叔同井共炊張奉事舅姑伯叔循循禮經之文家貧

剡源鄉志

卷十五

列女傳三

十一

日夕紡績撫猶子成立守節五十七年光緒元年卒年八十二道光甲辰府憲徐獎之光緒二十三年由總局請旌

王氏六詔孫業定妻年三十一夫亡伯氏利其產逼之嫁王曰妾與伯同居如何若立繼一節任伯主張可也伯乃止守節十六年光緒元年卒年四十六二十四年憲旌

葛氏石門水塘灣毛德容妻年十七于歸二十一夫亡守節三十七年光緒元年卒年五十八

毛氏馬村張志武妻年三十五夫亡守節四十六年光緒元年卒年八十二年二十四年憲旌

王氏董村諸生竺起鳳妻年三十夫亡鉛膏不御撫二孤成立翁姑同年歿衰服三年之外更服三年殆所謂孀居永日蓬首經年者守節二十四年光緒二年卒年五十三二十三年由總局請旌

汪氏楊墅徐亨武繼妻夫病頸汪百藥醫治終不效將及一年籲天請代者數四及歿汪年二十九撫孤成立晚年思夫抑鬱得失心之證而卒時光緒二年也

剡源鄉志

卷十五

列女傳三

十二

年六十二二十三年由總局請旌

張氏西山頭陳禮訓妻年三十二夫亡守節二十六年

光緒三年卒年六十七儒學張以節比松筠獎之

竺氏巖阮王天士妻年二十五夫亡矢志守節綜理內政巨細不遺遺孤及諸叔俱年幼竺均撫養之俾各

成立光緒三年卒年四十六二十三年由總局請旌

王氏住嶺胡美含妻年二十八夫亡入則泣血柴立茹藥自盟出則養親撫孤怡聲疊疊益屏去華飾治家事咸修整光緒三年卒年八十歲二十三年由總局

請旌

唐氏毛家灘王道揆妻生而幽閒未及笄遠近爭聘之後歸道揆越數年道揆病年餘而亡氏時年二十三以守節自誓撫猶子如己出光緒三年卒年七十四二十三年由總局請旌

王氏巖頭侑生毛仁美妻年十八夫亡勸翁再娶後生二子王撫養成立叔氏稍長王卽別居以遠嫌其操內政習酒漿鹽鼓之屬靡不精工守節近六十年至白首時宗黨尙有不識其面者光緒三年卒年七十

剡源鄉志

卷十五

列女傳三

十三

四二十三年由總局請旌

王氏董村侑生竺政倍妻年二十九夫亡守節三十八年光緒四年卒年六十五二十三年由總局請旌

周氏石門毛德袞妻年三十五夫亡守節五十一年光緒四年卒年八十五光緒二十八年府憲徐以節義綿宗獎之孫開恆入郡庠

王氏石門諸生毛榮汝妻年三十三夫亡守節四十六年光緒五年卒年七十八光緒二十四年憲旌

王氏下蹕駐侑生宋思維妻知州王鱗飛之妹王生自

名門素嫻禮訓年十八于歸自始饋卽得二老之歡  
心夫得嘔血證王曰血之上行是逆流也君能處以  
靜鎮則氣平氣平血亦平何嘔之有若徒恃藥餌無  
益也醫者聞之服其精妙夫歿年二十五嚙指自誓  
理家政內外肅然而寒暑絺紈僅給而止當粵匪擾  
鄉時嘗夜至山間失足滾身而下忽空中有黑臉神  
以鏡照之得攀援而上既至山頂神忽不見守節三  
十二年光緒七年卒年五十六二十三年由總局請  
旌

剡源鄉志

卷十五

列女傳三

十四

李氏公塘唐肇庚妻年二十八夫亡矢志無他時適粵  
匪復竄奉氏恐夫棺爲賊所燬急覓人渴葬之守節  
二十年光緒七年卒年四十七二十四年由總局請  
旌

竺氏馬村庠生張秉瑜妻武舉衛清女年三十夫亡姑  
性嚴厲不以言色假人竺柔聲怡色未嘗少拂其意  
守節四十六年光緒七年卒年七十一二十四年由  
總局請旌

周氏馬村張立堦妻年三十四夫亡守節三十二年光

緒七年卒年六十五二十四年憲旌

王氏後董董魯俊妻年二十九夫亡食淡攻苦睹自飲  
泣先是夫兄欲奪其志王不可至以訛言相誣王終  
不爲動夫兄向王言曰汝心堅如石不可得而轉也  
吾過矣拜而謝之王曰不汝校也守節五十四年光  
緒八年卒年八十二二十四年由總局請旌

單氏石門毛茂室妻年二十二夫亡屢欲自裁姑曰汝  
若死賸我一人我亦死矣乃截髮自誓守節四十九  
年光緒八年卒年七十二十三年由總局請旌

剡源鄉志

卷十五

列女傳三

十五

宋氏榆林陳承瑞繼妻年三十三夫亡二子俱襁褓且  
前妻亦遺有三子宋撫養之一如己子至五子成立  
各授以室其聘資皆從紡績中來也守節二十一年  
光緒八年卒年五十二二十四年憲旌

竺氏許家岸張文人妻年三十五夫亡守節三十八年  
光緒八年卒年七十五二十四年憲旌

康氏石門毛謙遵妻年二十九夫亡守節三十三年先  
是夫業儒不得志於有司喪志而卒遺幼女三人翁  
姑日夕悲號康毀容自誓曲體翁姑之心遂撫猶子

桂清爲嗣僅兩週康旦夕紡績婚嫁以次而畢教子讀書不使有須臾之間卒成郡諸生光緒九年卒年六十一二十三年由總局請旌

徐氏石門毛榮秩妻生而貞靜笑談不苟年二十于歸未至四年而夫亡與姑同室而處形影相弔跬步間未嘗或離也守節五十九年光緒九年卒年八十一先是道光二十八年府憲徐以冰清玉潔獎之至光緒二十三年由總局請旌

周氏董村竺昌峙妻年二十九夫亡上事尊章下撫猶

剡源鄉志

卷十五

列女傳三

十六

子孝慈兼盡以紡績終其身守節五十一年光緒十年卒年七十九二十三年由總局請旌

孫氏三石陳嗣和妻年二十九夫亡越三月翁又歿孫哭泣嚶嚶閱一年而畢葬一日庭中花赤者盡變爲白俄有一白鳥哀鳴三日而去問之博古者亦不識此鳥爲何名云守節四十七年光緒十一年卒年七十五二十三年由總局請旌

陳氏巖頭毛榮科妻年二十六夫亡毀容守節至六十餘年之久而冰霜之操愈老愈堅光緒十一年卒年

八十九二十三年由總局請旌

陳氏石門毛榮垌妻年二十五夫亡子未週歲女亦幼小以養以教至於成立且命子以習醫活人盛稱於時守節四十九年光緒十一年卒年七十三二十三年由總局請旌

陳氏三石何利鏞妻年三十四夫亡家赤貧喪葬無所出陳竭蹶將事一年而後畢撫孤成立晚年子勸其加餐陳曰吾當年三日不食者一年十數次今幸温飽敢多食耶守節五十一年光緒十一年卒年八十

剡源鄉志

卷十五

列女傳三

十七

四二十四年憲旌

毛氏三石何文學妻年二十六夫亡上事尊章色養兼至守節五十五年一日忽不自持以刀斫案曰此念胡爲來哉其晚年自述如此光緒十一年卒年八十二年由總局請旌

陳氏沙隄樊忠學妻年十九夫亡對天自誓每以弗逮事姑爲恨奉翁甚孝撫猶子篤於恩勤待婦每多恕辭易簣前數月夢其夫招之曰某月某日某時汝當與我同登仙籍醒告子婦羣以爲恍惚之言及期果

口誦佛號合掌而逝不失時刻時光緒十二年十月初十也守節四十八年年六十六二十四年由總局請旌

蔣氏亭下單紹蘭妻年二十六夫殉粵逆之難守節二十六年光緒十二年卒年五十一鄉人稱爲一門忠節二十三年由總局請旌

毛氏三石何行瑤妻年三十二夫亡守節光緒十二年卒年五十八行瑤弟行理妻嚴氏年三十四夫亡與伯姒毛共矢冰操分爨後無以爲活嘗爲富室織布

### 剡源鄉志

### 卷十五

列女傳三

### 十八

帛歸以時物獻舅姑銖積寸累卒至成家現年六十四均二十四年憲旌

邵氏董村竺自彬妻守節四十五年光緒十二年卒年七十八二十四年憲旌

單氏前壘陳世祿妻于歸時翁姑俱在單下氣怡聲雍雍如也越數年翁歿服將除姑又歿未幾夫邁危疾百藥莫效年三十夫亡昕夕勤女紅三喪次第而畢瑩瑩子立與孤子形影相弔始終不變其志嘗建木橋以濟行人光緒十三年卒年五十八二十三年由

總局請旌

鄔氏下蹕駐儒士宋思欽妻年二十七夫亡守節四十六年事翁姑以孝聞其姪孟撰年十二父母皆亡又有姊與妹鄔皆撫養之俾各婚嫁無異己出後孟撰於光緒五年卒越一年撰妻亦卒遺孤僅七歲女僅四歲時已分爨鄔亦撫養之同居一家教子餘善有歐母之風卒成邑諸生光緒十四年卒年七十二二十三年由總局請旌

壽婦曹氏三石何貞信妻義夫文光庠生應中之母光

剡源鄉志

卷十五

列女傳三

十九

緒十五年卒年九十

壽序蓋聞國多懿行必紀美於青編家有芳規乃垂馨於彤管范蔚宗之傳史惟載令妻劉子政之著書轉稱列女從未有曹大家之淑範兼享高齡宣文君之令儀偏登上壽如我何老伯母曹太孺人其人者孺人爲貞信公之德配而文光文斗文楷暨余友翊卿之尊慈也夫其姿毓蘭蕙訓習蘋蘩曾吞女史之花克製天孫之錦每壓綫於閨中無慚繡譜即縫裳於牖下亦號鍼神良非偶然有自來矣此孺人女德之宗也及乎飛鳳薦兆委雁言歸謝馬氏之資裝終身椎髻操梁家之箕帚長服澣衣厨下作羹獨得老姑之性田間餉黍願同君子之心而孺人且安不忘勤康而彌儉厄匱願同君子之心而孺人且安不忘作朝朝牧豕歲歲浴蠶織縑則機不一停抱布而利常三倍是以尊璋互慶知新婦必大吾家娣姒咸歡謂夫人實重其族此孺人婦德之懋也迨貞信公年方週甲生歎不辰本期百歲之齊眉忽爾九原之分

手紫芝人遠黃鵠歌沈而孺人乃力謝豐腴身安荒  
陋惟課功於耕讀振創業之規模凡家事之經營悉  
母儀之提命逸勞有訓期文伯之克昌教誡多方望  
士行之能顯其季子翊卿聲振膠庠名傳鄉曲雖棘  
闈困躓未遂顯揚而梓里仰瞻共欽敦厚此孺人母  
德之淑也今歲當己丑月在壬申序屬初秋舞欲陳  
乎素女日交兩翼躔將值於壽星九秩筵開啓璇堂  
而懸綵帔千年桃熟捧金斝而舞斑衣爰陳貽背之  
辭用祝鶴齡之算況乎納孫曾之祐血氣未衰登耄  
耄之年神明猶茂禮當六豆慶集三多二首六身亥  
字則益之又益一堂四世丁男則孫各生孫福未艾  
於來茲德更隆於往古可幸麻姑坐上共擊延壽之  
杯還祈王母臺邊常峙恆春之樹光  
緒十有五年七月 剡曲草堂稿

毛氏塔下曹人慈妻年二十五夫亡以守志自盟撫孤

倍極慈祥一日忽不自持見孤子過其念頓息晚年

### 剡源鄉志

### 卷十五

列女傳三

二十

向子婦述之無隱諱守節五十六年光緒十五年卒

年八十二十三年由總局請旌

俞氏巖阮王隆煥妻年二十三夫亡遺孤纔三歲卽對

天以柏舟自誓其翁百計逼其改適俞心如鐵石不

移甚至以訛言相誣終不爲動翁乃不與衣食之資

俾之分爨俞惟拾人遺穗或採草根木皮以自給且

刈薪自負而歸紡績至夜分而息每逢佳節必以時

物饋翁姑其翁斥辱之終日乃已極人世未有之苦

俞無不備嘗焉守節六十五年光緒十五年卒年八

十七二十三年由總局請旌

樊氏巖頭儒士毛仁溥妻年二十九夫亡子才三歲家甚寒樊勤紡績忍艱辛撫孤成立守節三十七年光

緒十六年卒年六十五二十三年由總局請旌

樊氏大畧毛仁興妻年二十九夫亡家赤貧翁姑年邁朝夕之奉樊以一身肩其任勞勩萬狀而甘旨未嘗少缺蓋樊嘗以糠粃自食也守節四十年光緒十六年卒年六十八二十三年由總局請旌

唐氏北溪盧承寵妻年三十一夫病極衣不解帶者三

剡源鄉志

卷十五

列女傳三

二十一

月禱神願以身代卒不應及歿屏去鉛華晝則紡績夕必飲冰水一杯其自勵如此守節四十五年光緒十六年卒年七十五二十四年憲旌

楊氏塔下曹人型妻生而婉婉年十八于歸奉姑甚謹年二十五夫亡一慟而絕其家將與夫竝殮因心尙温不果三日而甦家人問所見曰吾與夫同往至一殿見王者衣冠坐殿上旁列書吏阜隸夫跪前吾跪後王者諭夫曰此合死叱之出吾近前復諭曰此婦有一點孝心何爲攝之來放之蓋楊將死時曾轉吾

姑何以爲活之一念也一縷之思能感動神明如此  
守節五十八年光緒十八年卒年八十三二十三年  
由總局請旌

毛氏三石陳賢彬妻年三十一夫亡邁翁患風痺不能  
起牀褥毛親滌穢惡絕不怨詈遺田不上一畝中年  
僅二月之糧毛沐風櫛雨自刈自穫惟雇一人耕種  
而已火不再舉而翁之菽水悉從十指間出鄉人以  
爲難守節四十二年光緒十八年卒年七十二二十  
四年憲旌

剡源鄉志

卷十五

列女傳三

二十二

張氏康嶺康佳尚妻年十五歸康結縈才三載夫得瘵  
疾每夕默禱竈神前願減己算如是者二月卒不應  
夫歿年十八截髮自誓善承翁姑意旨令繼子時刻  
不離翁姑左右若令其不知有思子之悲者守節五  
十七年光緒十九年卒年七十五二十四年由總局  
請旌

方氏張家阮毛謙楷妻年二十七夫亡喪葬盡禮事繼  
姑曲盡婦道且樂於好施有外侮入悉含忍之現年  
六十弟謙模妻金氏年三十夫亡遺孤恭寬恭元俱

幼金撫養成立因謙楷乏嗣例以一子後夫兄而恭元啞不能言以恭寬後伯氏啞者留爲夫後金自教之人以爲難母家貧其服食皆金遣人送之其後喪葬之費亦出自金兄弟子姪皆金資養臨卒貧家負欠命子悉焚其券光緒十九年卒年五十俱二十三年由總局請旌

江氏石門毛茂光妻年十八歸茂光至二十一歲夫亡守節二十七年光緒十九年卒年四十七

趙氏三石新城教諭青照孫女西魏樊厚仁妻入門彬

剡源鄉志

卷十五

列女傳三

二十三

彬有禮年二十三夫亡以守志自誓翁姑嘗青眼視之不以勤苦役使憐其寡也而趙日夜操作終年未嘗有一日之暇或勸其暫息趙曰吾爲冢婦不以身先之諸娣效尤家政隳矣守節五十六年光緒二十年卒年七十八二十四年由總局請旌

竺氏俞村俞乾月妻年二十九夫亡遺孤才四齡邁姑患風痺竺滌中羣廁踰至扶掖澣溺者三年無倦色守節三十二年光緒二十年卒年六十歲二十三年由總局請旌

壽婦單氏馬村張志沛妻光緒二十二年卒年九十四  
歲先是志沛無子娶妾梁氏復撫猶子立校爲嗣梁  
歸志沛越九年而志沛卒時年二十九明年立校亦  
卒又明年立校妻又卒而立校之子望火猶在懷抱  
家無長物三喪相繼拮据莫可名狀梁事嫡單氏如  
母每逢天寒時以身溫被待熱而後已撫望火如己  
出不出一怨懟之言光緒二十年卒年六十四守節  
三十六年梁氏二十三年由總局請旌

何氏三石趙智勇妻年三十一智勇與人口角自經於

### 剡源鄉志

### 卷十五

列女傳三

### 二十四

柏阮染店中羣欲以威逼致死索詐何泣曰夫之死  
妾已不幸無勞此陰隲之錢棺殮也況彼必破家而  
妾之所得無幾君等能妙手空空乎後姑與翁不相  
得何調停其間姑出言無狀何默默自處奉養益虔  
守節二十八年光緒二十年卒年五十八二十四年

### 憲旌

洪氏下蹕駐監生宋曾忍妻年三十一夫亡守節四十  
年光緒二十一年卒年七十歲學憲潘以彤管流芳  
獎之孫浩邑庠生有文名

鄞黃家來輓宋節母詩我聞剡源宋節昌厥後壺範流傳  
在眾口昔年矢志歷苦辛今則食報昌厥後壺範流傳  
習女史箴奉嬪高族稱佳婦入侍帟帷非所有夫  
祭祀羅漿酒四德兼備古攸誰謂晚近役有時還  
何遭命奇且薄頓卷羅幃張素幕君于役有時還  
惟有九原不可作巾篋猶是音容杳搔首問天天復  
漠坐側女孩藐焉孤對竹有筠兮不淚落可憐地久復  
天長顧瞻靈衣黯神傷竹有筠兮不淚落可憐地久復  
衛共姜鞠育孤女聊慰情撫字猶子奉烝嘗旋因長  
女嗟玉折暮景何堪涕泗況復嗣子相繼逝血淚  
和流目竟盲愁腸紆結日九迴頓使靈蘂萎北堂皇  
穹雖高聽自卑終令潛德發幽光階蘭香似竇桂騰  
俯視曾行已倍增長孫早輩庠序聲茂才卓稱異  
能餘枝林立皆偉器鬱乎蔥蔥佳氣蒸行見門楣日  
帝命星軺使探風署厥義行登  
錫以榮褒鉅典隆千秋俎豆列明禋歲遣祠官祀事崇

剡源鄉志

卷十五

列女傳三

二十五

而今丹旂將啓路  
共攜絮酒表葵衷

黃兆麒詩剡川奇氣多孕毓宋氏伯姬尤清淑事姑  
婉嫵善揣摩相夫勤劬兼素樸百行潔比玉無瑕一  
室宜茹蘭有馥幸親德曜仰光儀勝起惠班矢恭肅  
卅年茹痛失所天遽撒環瑱學昔賢祇遺弱女歎非  
益眷求同派繼家傳操厲孤松陋凡卉心懸皎月傲  
嬋娟幽光歷久開陰翳慶溢雲初俾勿替孫行齊排  
玉筍班指屈適符竇氏桂盈庭瑞氣又添曾喜數天  
千資繩繼尤羨泮林藻耀翔香滿萱幃春正麗陳情  
草表達

天聰

寵典煌煌錫高第大章節義列崇祠薄俗傳觀皆激厲  
而今壽母登古稀養堂正看延清瑜珥瑤環樂戲  
嬉瓜蓏果實分甘脆如何大麥值初黃遽棄塵寰便  
仙逝豈是蟠桃會久虛欲返瑤池訂道契感念盛德  
女中師行道聞之皆破涕挽歌  
聊抵誅幾行媿無大筆傳至詣

慈谿洪允祥詩萬里行人沙漠風我祖仕宋昭孤忠  
後人衰替嗟莫及母以婦人與比隆母出自洪歸於  
宋赫然先人所廣平公雙棲八載倏遭變孤凰自此泣  
梧桐苦節所貞神所福孫曾頭角蘭桂叢  
九重恩詔予祠祭令儀旌表光熊古稀之壽企而及  
雲耕忽爾冥太空晚景雖榮猶有憾長女逝兮嗣子  
終萬事豈無數偶然天祐善人固已豐吾願佳孫善  
自勉食報定非止膠宮男兒忠孝婦人節大義豈容  
粉飾工聲色不動四十年白璧不煩費磨礪國家有  
事須有人感時撫事動深衷我母婦人猶如此歌之  
庶幾振  
頑聾

新昌呂衷和詩三從訓稟義居嘉曲譜離鸞別恨賒  
淚雨痕曾斑竹管貞風清合賦梅花堂留慈蔭芝蘭  
毓位配長生俎豆華爭奈仙  
雲乘鶴馭想隨王母醉流霞  
楊占鰲詩雪柏霜松天玉成冊年孤苦伴寒檠倚閭  
目斷經年望茹蘗心堅礲日盟史乘闡揚崇

剡源鄉志

卷十五

列女傳三

二十六

國典孫曾蔚起大家聲擬將椒酒延眉壽詎料瑤池鶴  
馭迎姮娥竟作月中仙鸞馭難迴欲問天半壁雲  
寒秋唳鶴九溪泉澀夜唳鵲泛舟怕誦共姜什畫荻  
猶傳歐母賢千古芳聲彤管著望風懷想倍悽然  
孫振麒詩遺徽久仰十年前曾結文孫翰墨緣茶蘗  
貞心盟礲日冰霜奇節看春妍承歡燕寢含飴日返  
駕鸞驂泣雨天西望慈雲  
驚黯淡生芻一束藉明虔

李氏亭下單孝棠妻年三十四夫亡守節二十八年光

緒二十二年卒年六十一

王氏亭下單紹康妻逮事太姑兩世得其歡心年二十

四夫亡誓死不移其志搢持門戶及重闈相繼歿竭

貲治喪葬之禮絲蓄粒聚以克有家守節二十五年

光緒二十二年卒年五十八二十三年由總局請旌  
王氏巖頭儒士毛恭軾妻年二十六夫亡事邁姑甚虔  
姑亦甚愛之姑亡不勝哀悼教子有義方持家有儉  
德且厚恤奴僕禮待姻黨其言笑不苟舉止甚端又  
若有出於性天者光緒二十二年卒年三十八二十  
三年由總局請旌

王氏馬村張立容妻年三十夫亡勤紡績以教育其子  
其幼女頗不凡擇士人子嫁之卒成名士家僅薄田  
數畝性好施與守節二十六年光緒二十二年卒年

### 剡源鄉志

### 卷十五

列女傳三

二十七

五十五二十三年由總局請旌

壽婦沈氏董村檫樹岡竺藩池妻光緒二十二卒年百  
二歲先二年由縣給匾曰萱室延年

江氏石門毛榮傑妻年二十八夫亡遺孤僅十月恩勤  
倍至且諸姪皆其所撫育娣姒間無嘻嗃之聲事繼  
姑時其飲食起居數十年不少衰光緒二十二年卒  
年六十九二十三年由總局請旌

何氏董村竺商經妻年三十夫亡守節光緒二十三年  
卒年七十四由總局請旌

張氏石門毛榮華妻年三十四夫亡守節光緒二十四年卒年六十五憲旌

陳氏石門毛謙墀妻年三十五夫亡守節現年八十八

凡言現年者據光緒二十八年言也

王氏巖頭毛恭燾妻年三十一夫亡以守志自誓雖不出戶庭而外侮卒莫敢入課督二孤儼如嚴父現年八十七

傅氏董村郡庠竺錦標妻年二十七夫亡守節光緒二十三年由總局請旌現年八十四

### 剡源鄉志

### 卷十五

列女傳三

二十八

曹氏巖頭毛仁徽妻年三十二夫亡守節現年八十二

毛氏三石陳嗣咸妻翁姑素嚴厲稍不當其意輒詬誶交加毛事事承順操作爲諸娣姒先一家二十口視毛之行止爲動靜年三十二夫亡守節現年八十一

康氏樟墅毛治安妻年三十五夫亡守節現年八十一

張氏柏阮陳承照妻年三十四夫亡守節家貧如洗日

日爲人浣衣攜米粟以沽老稚現年七十八

趙氏柏阮陳世煖妻生有至性事父母以孝稱及歸世煖以事父母者事翁姑翁姑亦愛若掌上珠年三十

一夫亡守節光緒二十四年憲旌現年七十七

唐氏黎洲王登惠妻年二十九夫亡家赤貧誓無他志  
餐及草根木皮天寒刈薪十指皸裂弗恤也或終日  
炊煙不舉志行愈厲光緒二十四年由總局請旌現  
年七十六

竺氏巖頭毛恭壽妻年三十夫亡遺孤上池竺督教甚  
嚴未弱冠院取副案竺反斥之不少假借未幾上池  
縣試冠其曹府試如之將院試病不能起後竟卒竺  
大慟曰吾始終不渝其志者望孤兒成名以揚吾夫

剡源鄉志

卷十五

列女傳三

二十九

之名耳今若此命也光緒二十三年由總局請旌現  
年七十四

汪氏下蹕駐武庠宋陞三妻年三十二夫亡守節光緒  
二十四年憲旌現年七十四

周氏毛仁得繼妻年二十四夫亡守節誓無他志光緒  
二十四年由總局請旌現年七十三

趙氏柏阮陳宗訓繼妻年三十五夫亡守節光緒二十  
四年憲旌現年七十二

王氏馬村張望宰妻年三十二夫亡守節光緒二十四

年憲旌現年七十二

王氏董村毛仁心妻年二十四夫亡翁姑深為嗣續憂

王日幸孕已三月未知命究何如耳乃指門前青山

而誓曰妾當與此山同不老也後果舉一子事翁姑

數十年無違言光緒二十三年由總局請旌現年七

十六

竺乃寅王節母詩歲庚寅月乙酉毛君向余低稽首  
起言王孺人為我親慈母袖出一編贈言集嘖嘖稱  
道其節守銘贊詩詞不一體文光陸離燦星斗備述  
冰霜鐵石心魑魅駭而走孺人年未笄德秉坤  
元厚十九歸仁心六載閨中反一夕星沈鸞孤飛死  
而復甦至八九呼天天無階可升禱地地無門可叩

### 剡源鄉志

### 卷十五

列女傳三

三十

二老蒼蒼白髮垂四齡弱女難啓後遺娠在懷纔三  
月弄璋弄瓦未分剖後舉一子名繼安淚不流兮血  
不嘔虔心撫兒女歡顏事姑舅寒燈夜雨勤紡績殘  
月曉風操井臼婦兼子道葬祭周內外言動俱不苟  
女嫁子事學諸孫列左右北堂忽開六秩筵賓朋齊  
上盈觴酒一日旌門萬古榮龍錫鸞章膺紫綬我今  
欲調黃鵠歌惜口不及騷人口我今欲寫柏舟圖惜  
手不及丹青手俯仰人生天地間何者為無何者有  
坤道無成代有終須知人死不可垢百鍊精心感鬼  
神蒼蒼者天終不負余贈數語作衢歌得名得壽傳  
朽不

唐氏斑溪董家職妻年三十五夫亡矢志無二事邁姑

尤虔姑病痺六載唐每夜撫摩視其熟睡而後已寒

暑無間光緒二十四年憲旌現年七十一

王氏公塘唐緒 妻年三十五夫亡守節現年七十  
張氏巖頭毛恭學妻年二十六夫亡遺孤長四齡次二  
齡三匝月兼之堂有二老張上事下育靡不周到光  
緒二十三年由總局請旌現年七十

單氏倪家山竺震木妻震木往亭下鎮買米適郡城敗  
賊竄至挺身出鬪遂爲所害單乃以巾拭血縫其頸  
而合之且縫且泣哀動行路每夕必祝賊滅其義憤  
之氣形於眉睫及聞兩浙肅清喜曰也有今日年三  
十守節夫爲義民妻爲節婦忠孝萃於一門矣光緒

### 剡源鄉志

### 卷十五

列女傳三

三十一

二十三年由總局請旌現年七十

周氏馬村張化鵬妻年三十五夫亡守節綜理家政井  
井有條光緒二十四年卒年六十五子煥鴻祺均入  
成均炳成邑諸生

鄔氏下蹕駐布政司經歷宋思讓妻寡言笑重然諾翁  
姑相繼歿喪葬盡禮年三十二夫亡綜理家政剛毅  
有分辨遇年荒平價以糶教子如嚴父長子孟韶以  
醫聞於時次子國鈞成邑諸生鄔長齋號佛凡內典  
之書猶能琅琅成誦光緒二十二年憲旌現年六十

六

周氏董村竺蘭芳妻年二十七夫亡守節光緒二十三年由總局請旌現年六十八

毛氏董村竺藩渚妻年二十五夫被粵匪擄去禱神問卜終不得其影響日夕不安如醉如癡者數年迨東南肅清乃定四月十四日爲夫諱日招魂發喪取衣冠而葬之至其哭泣之哀行路者不忍聞光緒二十三年由總局請旌現年六十八

戴氏石門大山毛恭敬妻年二十四夫亡持一刀惺惺

剡源鄉志

卷十五

列女傳三

三十二

達曙婦女有行污不潔者絕不與談每痛夫輒自暗泣門內整肅無譁笑者光緒二十三年由總局請旌現年六十八

陳氏巖頭毛榮貴妻年二十九夫亡誓不再適每謂婦人觀劇惟爛柯山不可不一觀人以爲至言光緒二十三年由總局請旌現年六十八

王氏石門石柱墳灣毛榮義妻年三十三夫亡守節光緒二十四年憲旌現年六十七

張氏高畧王天遴妻生稟淑質及笄歸天遴處家務井

并有條越五年天遴得瘵疾張湯藥之奉昕夕弗懈  
焚香籲天幾近二年天遴卒張年二十七指天自誓  
仰事俯育白首一節光緒二十三年由總局請旌現  
年六十七

李氏亭下單孝棠妻年三十四夫亡守節光緒二十四  
年憲旌現年六十七

陸氏巖頭毛繼常妻年三十一舅卒越數月夫亡遺孤  
三疊遭兩喪哭泣盡哀家頗饒親疏覬覦而陸事姑  
撫孤兀然不動現年六十六長子秀立妻孫氏廿二

剡源鄉志

卷十五

列女傳三

三十三

歲而寡勤儉持家教子思誠成郡廩生現年五十次  
子貴立妻單氏廿五歲而寡撫姪爲子持長齋終身  
現年四十八姑婦竝勵苦志人稱毛氏三節

王氏沈家巖俞道榮妻年十四適俞事翁姑相夫子俱  
彬彬有禮人皆以爲俞氏得賢婦矣年二十二夫亡  
守節光緒二十三年由總局請旌現年六十五  
江氏石門毛茂榘妻年三十一夫亡守節光緒二十四  
年憲旌現年六十五

張氏巖阮王兆安妻年三十夫亡遺孤未及旬日張病

產之後繼以哭泣不食數日幾至毀身上事下撫勤勞倍至光緒二十三年由總局請旌現年六十五  
王氏柏阮陳世焜妻年二十一夫亡後一月生子家無長物翁素有疾王夜則紡績日則挑野菜以牧豬蓬頭垢面勿顧也或曰何自苦如此王曰夫卒之日吾嘗對天以自誓人可欺天可欺乎光緒二十三年由總局請旌現年六十五

張氏董村竺自瑄妻年二十五夫亡家赤貧上事下撫辛苦萬狀冰蘖之操至老不衰今家已小康皆張銖

### 剡源鄉志

### 卷十五

列女傳三

三十四

積寸累經營而得之者而紡績之事猶未嘗釋手光緒二十三年由總局請旌現年六十四

唐氏董村竺商美妻年二十九夫亡奉舅姑育幼子惟勤紡績以佐甘旨復爲二子娶婦育孫光緒二十三年由總局請旌現年六十四

竺氏棲霞阮周道萃妻年三十四夫亡守節光緒二十四年憲旌現年六十四

徐氏石門駐巖毛榮木妻年三十一夫亡遺孤四人劬勞鞠育無微不至家赤貧嘗採草根木實以佐食而

四孤者俾各成立俱授以室光緒二十四年憲旌現年六十四榮木弟榮松妻宋氏年二十九夫亡與伯姒徐氏同心守節辛苦萬狀安之泰然光緒二十三年由總局請旌現年六十三

王氏界嶺毛仁萊妻年三十五夫亡守節光緒二十四年憲旌現年六十四

孫氏三石趙禮良妻年三十四夫亡債臺累累孫晝織夜紡不三年而重負頓釋及翁歿孫伯叔三人族人憐其寡俾三人分承之孫以爲不可曰譬翁姑祇生

剡源鄉志

卷十五

列女傳三

三十五

妾夫其將誰諉況已有伯叔丁四之三妾若不承受其一 是無翁也其可乎羣躋其論姑歿亦如之後撫同曾之姪爲子督責綦嚴光緒二十四年憲旌現年六十四

俞氏巖阮單春月

譜名  
仁志

妻年二十九夫亡俞性節儉粒

米寸絲是珍是寶而家以漸裕猶紡績不倦今子已生子繞膝多賢光緒二十三年由總局請旌現年六十三

王氏下蹕駐宋孟士妻年三十四夫亡守節光緒二十

四年憲旌現年六十三

袁氏亭下俞汝誠繼妻年三十二夫亡守節紡績之外  
茹素繡佛妯娌間雍雍睦睦而督子纂嚴長子鳳岡  
成諸生光緒二十四年憲旌現年六十

王氏亭下單孝瑤妻年二十一夫亡哭泣殯殮喪葬如  
禮哀動行路旋指嵩溪自誓曰所不與單氏相終始  
者有如此水撫猶子紹炳讀書砥礪廉隅冀其成就  
者大也光緒二十三年由總局請旌現年六十

胡氏巖阮王天紀妻年二十一夫亡無子以柏舟自誓

剡源鄉志

卷十五

列女傳三

三十六

茹荼飲苦里人罕見其面越數年翁姑相繼謝世喪  
葬咸盡禮家頗饒爭繼者二十餘人不得已請官定  
繼胥吏索費甚苛戚屬復中飽之家遂中落其繼子  
越二年始定爭繼之人以含血之言誣之胡吞聲飲  
泣而已鄰族紳士公保節孝卽孔子所謂不曰白乎  
涅而不緇者光緒二十三年由總局請旌現年五十  
九

曹氏石門水塘灣毛茂樸妻年十六適毛三十四歲夫  
亡守節現年五十九

孫氏亭下增生沈春芳妻生自儒家素嫻內則及笄于歸事二老惟謹惟慎姑卒終喪未嘗有笑容年三十夫亡三子俱幼撫養成人樂善好施村中待以舉火者數家翁卒如喪姑而更慟蓋以觸其望夫之意也光緒二十四年憲旌現年五十八

黃氏環潭王清生妻年三十五夫亡守節光緒二十四年憲旌現年五十六

吳氏巖頭塔裏阮毛仁寶妻年三十四夫亡守節光緒二十四年憲旌現年五十六

剡源鄉志

卷十五

列女傳三

三十七

王氏馬村張寶水妻年二十九夫亡守節光緒二十三年由總局請旌現年五十六

周氏石門毛榮韶妻年二十七夫亡子未週歲周毀容守節矢志靡他教子甚嚴自奉甚儉光緒二十三年由總局請旌現年五十六

毛氏塔下康運根妻年三十二夫亡無以爲活或有以改適諷者毛以死自誓每至絕粒族姓無有相恤者乃攜幼子爲人傭婦勤操倍常富家厚其直翁姑得以給饘粥厥後喪葬之費皆毛一手經紀之光緒二

十四年憲旌現年五十六

竺氏榆林毛懷金妻年三十一夫亡守節光緒二十四年憲旌現年五十六

張氏沈家巖俞從御妻年三十五夫亡守節光緒二十四年憲旌現年五十六

毛氏榆林陳世忠妻年二十八夫亡撫猶子爲嗣勤儉逾恆嚴冬無被常抱子於懷以坐至天明其辛苦大率類是光緒二十三年由總局請旌現年五十五

張氏公塘唐緒枝妻年二十歸唐唐得急證而亡張對

### 剡源鄉志

### 卷十五

列女傳三

三十八

天自誓遺腹生子乃倫張與姑愛若掌珠乃倫三歲忽遭危疾目合口開勢已不救姑媳向天叩頭不已有術士至其門問病狀曰少少痛癢何驚怪也我能愈之但愈須厚酬耳姑媳泣曰諾術士摩撫其頂以鍼鍼數處曰活矣霍然而啼將典簪珥以謝其人逕出門而去使人追之竟不知其蹤跡光緒二十三年由總局請旌現年五十五

單氏棲霞阮王其誥妻年二十九夫亡上有二老下有二孤單日夜操作堂上之旨甘不缺已常作糠餅以

充飢現年五十四

王氏馬村張用望妻年二十于歸時夫已病篤不能起立扶掖成禮越一月卒王哀毀骨立以柏舟自誓有老媪戲之曰成婚數十日而守節當比他人更難王曰吾身猶處女也老媪謝以失言光緒二十三年由總局請旌現年五十四

呂氏下蹕駐例貢生宋曾慈妾其妻沈氏生四女呂生一女夫亡乏嗣以姪思暉爲後時呂年二十三沈憐其年輕撫之曰惟爾奈何答以家長繼嗣得人妾身

剡源鄉志

卷十五

列女傳三

三十九

藉此有依願事邁姑撫遺女誓無他志沈甚嘉之光緒二十七年由總局請旌現年五十三

王氏北溪盧辛金妻年二十五夫亡矢志不渝死守十九年現年四十三

單氏許家岸張祖棧妻年二十來歸時夫已病數月勉強成禮越二月夫亡立志不二以死自矢現年三十六

補

壽婦陳氏西隅樊立惊妻庠生配鼇廩生配南之母生

康熙庚戌道光六年卒年九十七

江氏石門水塘灣儒士毛德英妻年二十于歸二十四夫亡道光十二年卒年四十三

王氏巖頭毛恭輪聘妻萬竹例貢生忠介之女同治四年恭輪年十五遭危疾而卒王聞之欲奔喪守志父母力阻之王痛哭不食五六日親屬勸慰之始日進一二勺而日夜防閑甚至越四月防閑稍疏乘間自縊而死時年十九

族姪文繼校字

剡源鄉志

卷十五

列女傳三

四十